

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Geographia universalis

**Ptolemaeus, Claudius
Münster, Sebastian**

Basileae, 1540

Europa prima nova tabula, haec est extribus orbis partibus, [...]

urn:nbn:de:bsz:31-67084



EVROPA

PRIMA NOVA TABVLA. Hæc una est ex tribus orbis partibus, complectiturq; terrâ eximie fertilem, habens naturalem temperiẽ, cœlumq; satis clemens: frugum, uini & arborũ copia nullis posthabenda, sed optimis terris comparanda. Est adeo amœna, pulcherrimisq; urbibus, castris, uicis & pagis exornata, uirtute deniq; populorum tam præstans, ut longe superet Asiã aut Aphricam, quantũlibet illæ terræ sint maiores. Est tota habitabilis, præterquam in exigua parte, propter frigoris uim inhabitabilis, quæ finitima Tanaidis & Mæotidis incolis Borysthenensibusq; in curribus more uagorum Arabum degentibus. Habitabilis autẽ regionis id quod est algidum & montanum natura, laboriose habitatur. Sed quod in plano est & naturalem habet temperiem, multum iuuat ea loca quæ asperiora sunt, quandoquidem id quod est in felici regione pacificum omne est, & quod in tristi, pugna, accipiuntque hæ gentes aliqua inter se beneficia, dum aliæ opẽ armis ferunt, aliæ fructibus & artibus morumq; doctrina. Habet enim Europa multitudinem pugnacem, habet & quæ agros colat, quæq; urbes contineat. Affert fructus optimos uitæ necessarios, & metalla quæcũq; usui necessaria sunt. Odores uero ad sacrificia, necnon multi sumptus lapillos extrinsecus petit. Similiter pecudum mitium exhibet copiam, at bestiarum ferarumq; habet raritatem. Ac talis quidem est natura terra Europæ in uniuersum. Particularis autem pars prima est omnium ab occasu Hispania, quæ ab ortu solis abscinditur à Gallia Pyrenæis montibus. Galliam separat à Germania Rhenus, & alpes ab Italia. Post Italiam autem, quæ ad ortum reliqua sunt Europæ, bifariam diuiduntur Istro flumine. Fertur enim hic ab occasu in ortum & in Euxinum pontum, a sinistra relinquens Germaniam, Vngariam, Poloniã, Moscouiam &c. A dextra uero Illyricum, Dalmatiam, Thraciam, Macedoniam, reliquamq; ultimam Græciam. Præiacent quoq; Europæ insulæ, extra colūnas Herculis, Gades & Cassiterides & Britannicæ. Intra columnas uero Gymnesiæ, aliæq; Phœnicum insulæ, aliæq; Massiliensium & Ligurum, &c.



E VROPA PRIMA NOVA TABVLA



NOVA TABULA

Bibliothek
Karlsruhe